

LOTTE & TOTTE MÄIN ÉISCHE FRËND

5-8 Joer

Mia Fridthjof | DK, 2025 | 62' | Originalversioun op Lëtzebuergesch ageschwat | Animatioun



© MDR Media

SCHLÛSSELWIERDER

- Plënnere
- Frëndschaft
- Verännerungen
- Sech un eppes gewinnen
- Sech upassen
- Gefiller
- Geschwëster
- Grouss ginn
- Animatiounsfilm
- Adaptatioun
- Dänemark
- Voice over

Eng fantastesch Rees iwwert d'Magie vun der Frëndschaft

D'Lotte, véier Joer al, huet grad e klenge Brudder kritt, ass an en neit Haus geplënnert - alles ass grad nei. Säin Noper, den energievolle Totte, bréngt him Freed an Aventuren. Mee wéi ee vun hire Spiller ze wäit geet an d'Lotte e Feeler mécht, muss hat de Courage fannen, sech ze entschëllegen.

Mat der Ënnerstëtzung vun der *Œuvre Nationale de Secours Grande-Duchesse Charlotte*.

SCHOULVIRSTELLUNGEN

05/03 – 9:00 – Ciné Utopia (Schluss – 10:15)

06/03 – 9:15 – Ciné Utopia (Schluss – 10:30)

PEDAGOGESCH USÄTZ

- Plënnere mat Verännerungen ëmgoen.
- Nei Frëndschafte schléissen a léiere sech ëm déi ze këmmere.
- Aktivitéiten déi ee mat senger Frënn maache kann: baken, sech verkleeden, eng Höl bauen,...
- LOTTE & TOTTE – MÄIN ÉISCHTE FRËND ass eng Adaptatioun vun de Kannerbicher „Totte og Lotte“ vun der schweedescher Schrëftstellerin Gunilla Wolde.



Bild 1.

AKTIVITÉITEN

- Am Ufank vum Film gesäit ee wéi d'Lotte an ee neit Haus plënnert.
 - Ass d'Lotte an een Haus oder an eng Wunneng geplënnert?
 - Wou huet d'Lotte virdu gewonnen? Wéi huet säin aalt Doheem ausgesinn?
 - Wéi huet d'Lotte sech gefillt? War hatt frou ze plënnere oder vermësst hatt säin aalt Doheem?

Äntwer op d'Froe mat Hëllef vun de Biller aus dem Film.



Biller 2.

- Bass du och schonn eng Kéier geplënnert? Wéi hues du dech gefillt? Wou hues du virdu gewonnen?
 - Mol däin Haus oder deng Wunneng op e groust Blat an erkläre an der Klass déi verschidde Räim an deng Liblingsplazen am Haus oder an der Wunneng.
- D'Lotte ass net frou, well am Moment vill Saachen sech änneren. Wat huet sech nach beim Lotte an der Famill geännert? Wat ass ganz nei fir hatt? (D'Lotte ass net frou iwwert säi klénge Brudder. Virdu war hatt eleng a seng Elteren hate méi Zäit fir hatt).

- Hues du och Geschwëster? Bass du méi grouss oder méi kleng wéi deng Geschwëster?
- Wéi fills du dech wann eppes sech verännert?
- Dem Lotte seng Gefiller ännere sech iwwer de ganze Film. An den Animationsfilmer, mussen d'Emotiounen vun de Personnage gezeicht ginn. Wéi erkennt een op enger Zeechnung wéi ee Personnage sech fillt?

Erkenn dem Lotte seng Gefiller an ergänz d'Zeechnungen:



Bild 3.

- Wéi d'Lotte säin Noper, den Totte kenneléiert, gi se onzertrennlech. Ween ass däi beschte Frënd oder deng bescht Frëndin?
 - Zeechen däi beschte Frënd oder deng bescht Frëndin an erziel alles wat s de un him gär hues.
 - Wat spills du gär mat dengem beschte Frënd oder Frëndin?
 - Wat spillen d'Lotte an den Totte zesummen? (Si ginn zesummen op d'Plage, si baken e Kuch, si bauen eng Höl, si verkleeden sech, si spille mat de Kazen,..)
- D'Lotte an den Totte bauen eng Höl zesummen a verbréngé gären Zäit dran.
 - Wou hunn si hir Höl gebaut?
 - Wat maache si an der Höl?
 - Baus du och munchmol Hölen?
 - Woumat baus du deng Hölen?
 - Wat méchs du gär an denger Höl? Ëmkrees dat, wat's du am léifsten an denger Höl méchs!



Bild 4.

D'Versioun fir auszeprenten ass op dem Link zum Schluss vun dëser pedagogescher Fiche ze fannen.

Mech entspanen

Mat mengen Teddybäre spillen

E Frënd oder eng Frëndin alueden

Geheimnisser erzielen

Iwwernuechten

- Baaks du och gäre Kuch esou wéi d'Lotte an den Totte? Baakt de Kuch vum Lotte a Totte an der Klass!

Biller 5.

Wann dir an der Klass keng Kichen huttt fir ze baken, da kënt der och de Kuch aus dem Film ausmolen.



Bild 6.

D'Versioun fir auszeprenten ass op dem Link zum Schluss vun dëser pedagogescher Fiche ze fannen.

- D'Lotte an den Totte verkleede sech ganz gären. Woumat verkleede si sech an als wat?
 - Wat geschitt wéi d'Lotte an den Totte sech verkleeden?
 - Verkleets du dech och gären? Als wat verkleets du dech gären?
 - Als wat solle sech d'Lotte an den Totte haut da verkleeden?
Mol hinnen e Kostüm oder schneit Kleeder aus alen Zeitungen aus a pech se drop.




Bild 7.

D'Versioun fir auszeprinten ass op dem
Link zum Schluss vun dëser
pedagogescher Fiche ze fannen.

- Wou d'Lotte dem Totte senger Bomi hire Rank verléiert, ass den Totte rosen.
Wéi fillt sech d'Lotte derbäi?
Wat wëllt hatt ënnerhuele fir et erëm gutt ze maachen a wat geschitt dee Moment?
 - Wou d'Lotte sech verletzt, muss hatt an d'Urgence goen. Hatt war traureg an et hat e bëssen Angscht. Zum Gléck huet hatt en Teddybär kritt, deen hatt déi ganzen Zäit festhale konnt an dat huet gehollef.
Wat hëlleft dir wann s du traureg bass oder wann s de Angscht hues?
 - Wat huet d'Lotte vun der Doktesch geléiert? Wat hëlleft am Beschten, wann een ee Feeler mécht an et wëll een et erëm gutt maachen?
- Ass dir opgefall, datt am Film, alles wat sech d'Lotte virstellt oder drun erënnert a Spriechblosen optaucht?
Aus wéi enge Bicher kenns du Spriechblosen? A wéi enge Situatioune gi Spriechblosen a Bicher oder Filmer benotzt?
Kannst du dech un dës Zeenen aus dem Film erënnere? Sinn et Saachen un déi d'Lotte sech erënnert oder déi hat sech virstellt?

Biller 8.



- Jiddereen an der Klass moolt entweder eng Erënnung oder eng Virstellung an enger vun dësen Spriechblosen. D'Biller ginn herno op d'Mauer gehaangen a jidderee muss roden ob et eng Erënnung ass oder eng Virstellung.





Bild 9.

D'Versioun fir auszeprinten ass op dem Link zum Schluss
vun dëser pedagogescher Fiche ze fannen.

- An Animatiounsfilmer ginn et keng richteg Schauspiller/-innen. De Regisseur oder d'Regisseurin benotzen Zeechnunge fir hir Personnage a Geschichten ze erzielen. Fir eng Sekonn Animatioun, brauch ee 24 verschidde Biller. Soubal d'Zeechnungen an de Montage fäerdeg sinn, ginn d'Schauspiller/-innen an de Studio d'Stëmmen ophuelen, wéi s de et am Bild gesäis. Doduerch kréien déi verschidde Personnage eng Stëmm a gi lieweg gemaach.

De Film *LOTTE & TOTTE - MÄIN ÉISCHTE FRÉND* ass en dänesche Film an dofir hunn dänesch Kanner d'Stëmmen vun de Personnage nogeschwat.


Well de Film nach esou nei ass, ass en nach net op aner Sprochen iwwersat ginn. Och net op Lëtzebuergesch.

Fir datt dir awer de Film verstoe kënnt, hu mir d'Larisa Faber no Hëllef gefrot. D'Larisa ass eng Schauspillerin a wäert eng Voice-over vum Film op Lëtzebuergesch maachen.

Wat ass eng Voice-over? De Film gëtt op dänesch gewisen an d'Larisa schwätzt d'Stëmmen an d'Dialogue vun all de Personnage op lëtzebuergesch no.



Biller 10.



Biller 11.

D'Biller aus dësem Dossier, kënnt dir ënnert dësem Link eroflueden:

<https://www.luxfilmfest.lu/wp-content/uploads/2026/01/Lotte-Totte-main-eischte-Frend.zip>